

北京圖書館出版社

北京師範大學圖書館藏

稀見方志叢刊

武清縣志卷六

[illegible]

北京師範大學圖書館藏稀見方志叢刊

十三

北京師範大學圖書館 編

北京圖書館出版社

蘇子瞻

年冬樹槐以選來為令會江西通志
議重脩承檄採訪攷舊志或頗殘缺
又六十餘年事不著於是士紳以脩
縣志請其明年二月遂合謀以属其
邑人前龍南訓導解君榮世前興安
訓導葉君內榮逮今年春属草未就

而二君先後以疾去余與兩學師清
江饒君萃金谿蔡君殿英邑人前南
康教授李君其敏孝廉李君朝佐覆
加核正錄其副上省局遂次第授梓
九月書成有復於令者曰盛哉茲書
之脩夫知縣者唯縣之知爾今是書

也疆域沿草山川形勝控馭之宜土
田瘠沃賦役重輕物產之登耗禮俗
之貞淫奢儉學校人才今昔之衰盛
莫不皆具不下堂階而周知一邑之
故可不謂愉快矣乎雖然天下之為
縣千三百有五亡慮縣皆有志而縣

之理與否或不繫乎此善為令者綜其全局權其輕重緩急而時布之於是有激揚補救因革張弛之異用故曰善為令者胸有全志令曰然非所及也請書其語弁之簡端時道光四年九月既望知吉水縣事長沙周樹

槐序

吉水奉 上憲檄纂通志當事謹受命謀
諸闔邑紳耆爰及邑乘所當重修之故乃
增新補舊一本頒立章程無闕無濫踰年
告成遂上其副於省既詳且審稱善本焉
考志之修於

國朝者三前令四明王公雅閱中米公嘉績錢
塘申公發祥自申至今七十年矣若不及
時編定將殘缺次考証無徵邑侯周計已

稔爰趨同志而力舉之。余忝司鐸職事。監修
目規諸君子搜羅散失。叅志於史文約而法
明。蓋再三考訂其勦其悞。於是次第授梓。愈
謂余不可無一言以弁其首。余自慙謏劣。何
能序之。而何足為邑至。顧念吉水人文之盛。
歷宋元明以逮於今。名賢輩出。其間忠臣
義士孝子。若婦。嘖。膾炙人口。若指不勝屈。
心竊嚮往久矣。今幸履其地。得以披覽全乘。

考其事諒其心蓋傳文章首義之稱有由然
也因綴數語於末亦韓子所謂詞列二王之後
与有榮施者矣此役也董其事者前任興安
訓導葉公向榮前任龍南訓導解公榮興原
任南康府教授李君其敏孝廉李君朝佐分
校候選教諭趙君鶴羣毛君鳳池增廣施生
硯生李生蘊芳採訪歲貢生劉君必榮廩生
江毓蕙李應鍾生貧周學芻陳滙川周鵬

鳴許崑揚位元監生曾苞茲經理內外生負
江躍龍李遵道類皆盡心竭力恢恭厥職例
得備書以端於簡省道光五年季春吉

吉水縣儒學教諭匯川饒萃撰

重修吉水縣志序

吉水豫章名邑也文章節義甲於天下蓋自歐陽文忠公崛起於宋而楊忠襄周文忠胡剛簡文信國諸公後先輝映有明以來則有解文毅鄒忠介羅念菴李忠肅諸人尤為特盛至我

朝則李醒齋宗伯世濟其美焉予向慕是邑山川磅礴鬱積之奇欲至其地而末由歲癸未恭膺

簡命秉鐸斯土下車之始即屬邑志草創之期因得與教諭饒君共襄厥事考其志創修於前明正德六

年三修於乾隆二十一年迄於今又七十年矣凡政教之興廢山谷之變遷戶口之殷耗與夫名臣學士孝子節婦之嘉言懿行悉於志係之固宜因時纂述無遺無濫庶後之覽者得有所稽考是以為政者必汲々於此今周侯以名進士來令茲土因上憲有纂修通志之檄爰集紳耆並邑乘而編輯之其用意厚嘉惠來茲靡窮可不謂賢乎而邑號多才協修則前龍南訓導解君榮世前興安訓導葉君向榮原任南康府教授李君其敏孝廉

李君朝佐介校則有候選教諭趙君鶴羣毛君鳳池增廣施生硯香李生蘊芳採訪則有歲貢劉君必榮廩膳江生毓蕙李生應鍾附學周生學笏陳生滙川周生鵬鳴許生崑楊生位元監生曾苞節而經理內外則有江生躍龍李生遵道焉郁彬並皆矢公矢慎斟酌去取事該而明詞文而雅以同臻於善序其志而傳之久遠不亦宜乎顧吉水文章節義盛推海內論者多謂山川之秀實鍾人豪今觀文山字水鬱積磅礴之氣輝映未艾生

斯土者必更有應

昌運而興起景往招而奮發文章勲業媿前徽而增隆
者斯周侯重修斯志之雅意而亦余所厚望也夫
昔道光五年季春之吉

吉水縣儒學訓導敬齋蔡殿英撰

舊志序

進賢 舒芬

編纂采輯爲文難矣尚書春秋之簡帙得聖人編采而
遂作經不可見哉太倉周先生充之少有文名登宏治
乙丑進士授知莆田縣事以憂歸正德庚午服除補吉
水辛未政成乃編采縣中事爲志未幾擢監察御史遂
持去不及刻行先生爲御史百餘日以言事忤旨謫官
蓋不徒有文名者矣今上卽位因名爲江西按察司僉
事明年壬午建元嘉靖陞副使又專勅飭兵九江俄而
士有勇而食足器備徐得留意文字乃函向之志草十卷